

LIBRAIRIE MÉDICALE
ET SCIENTIFIQUE
Jacques LECHEVALIER
23, rue Racine.
ACHAT DE BIBLIOTHÈQUES
COMMISSION - EXPORTATION

18954/c

18954
cont 58-77
cont 59

DAVIDIS CORNELII DE COURCELLES,

MED. DOCT.

ICONES
MUSCULORUM
PLANTAE PEDIS
EORUMQUE DESCRIPTIO.



AMSTELÆDAMI,
Apud JOANNEM SCHREUDER,
Et PETRUM MORTIER, Juniolem.
MDCCLX.

DAVID'S CORNELL UNIVERSITY

1881

ICONS


MUSEUM

PLANTAE

FORUM




THE
MUSEUM
OF
PLANT
ANATOMY
AND
PHYSIOLOGY
OF
THE
HUMAN
BODY
AND
OF
THE
ANIMAL
KINGDOM
AND
OF
THE
VEGETABLE
KINGDOM
AND
OF
THE
MINERAL
KINGDOM
AND
OF
THE
COSMOS
AND
OF
THE
UNIVERSE
AND
OF
THE
HUMAN
BODY
AND
OF
THE
ANIMAL
KINGDOM
AND
OF
THE
VEGETABLE
KINGDOM
AND
OF
THE
MINERAL
KINGDOM
AND
OF
THE
COSMOS
AND
OF
THE
UNIVERSE



DAVIDIS CORNELII DE COURCELLES
 ICONES MUSCULORUM
 PLANTAE PEDIS
 EORUMQUE DESCRIPTIO.

PROOEMIUM.

istoriam Musculorum, qui in plan-
 ta pedis siti, Iconibus illustra-
 tam, offerre tibi, Benevole Lec-
 tor, haud sustinuissem, si Ce-
 leberrimus BERNARDUS
 SIEGFRIED ALBINUS, Anatomico-
 rum facile princeps, ut manus exhibuit, sic
 pedis Icones delineari curasset; etenim illae,
 nullis secundae, ipsam naturam & habitum
 partis summo artificio expressam referunt; un-
 de

de constat quam elegantes hae , quam certae & perspicuae fuissent , si magnus Ille Vir eas addere voluisset , quam illae profectò non fuissent inferiores. Verum quum hisce destituti simus , & paucae , Cl. WINSLOW IO judice , figurae anatomicae reperiantur , quae partium hominis structuram accuratius exprimant , periculum facere constitui ; plantae pedis aponeuroses , musculos , tendines , qua valui cura , separavi , ab origine ad insertionem prosecutus sum , artificis manum duxi , ut haberem aliquid , ex proprio penu depromptum , quod tradere Tibi possem.

Exercitatissimi accuratissimique ALBINI monitum diligenter observavi , quaesivi musculos eo , quo siti sunt , ordine ; eodemque , quo alii post alios sequuntur , artificis dextra effinxit ; Icon prima Aponeuroses plantae ostendit ; secunda , Aponeurosibus inversis , quos immediatè tegebant musculos , in situ naturali , ob oculos ponit ; tertia , reflexo Perforato , Perforantis tendines , cum capite altero ei accedente , monstrat ; reliquae reliquos sequentes ,
do-

donec tandem sexta Interosseos exhibeat.

Descriptionem praemisi brevem, ampliore enim haud opus esse videbatur, praesertim cum habeamus dexterrimi corporis humani scrutatoris, Cl. ALBINI Historiam Musculorum Hominis, omnibus numeris absolutam; imo huic supersedissem, sed quas publicare decreveram Icones, acceptiores fore putabam, si enarratione quadam succincta comitarentur, maxime cum quaedam, aliis, quod sciam, nondum notata, oculis subjicerent, unde vix fieri potuit; quin meae ab aliorum delineationibus, quandoque discreparent.

Non est quod miretur B. L., hac me opella scripta aggravare anatomica ausum, quum Clarissimi in arte Viri, nihil intentatum reliquerint, ut huic fastigium imponerent operi: non enim cuncta perscrutata adeo, ut venturorum industriae & diligentiae nihil superesse queat; nec me vanae spes gloriolae adegit, ut haec qualiacunque evulgarem, sed sincerum tantum observata cum aliis communicandi desiderium, viliora fortasse, quam ut temporis in

hiscevolvendis jacturam mereantur.

Nil exhibere conatus fui, nisi quod cura requisita summaque patientia, ita habere se reperi; dein veris depinxit coloribus eximius in arte Pictor oblatas partes, quas spiritui vini immersas conservo, ita cuilibet, de candore meo fortè dubitanti, ostendere possum, in hoc incubuisse me, ut quid verum sincerumque sit perciperem, atque uti res est dicerem.

Invenientur tamen in hoc opusculo quaedam fateor, quae eadem ratione observari in omnibus subjectis, asserere non ausim, non enim Anatomes peritum latet, quantae musculorum in diversis hominibus occurrant varietates, respectu magnitudinis, figurae, ortus, insertionis, cohaesionis, abundantiae, defectus; verum enim vero nec mihi tanta fuit Cadaverum copia, quanta diligentissima rei inquisitio atque investigatio requirit, ut ex multiplici observatione constaret, quid pro regula eligere deberem; etenim ea, quae sequentes Icones exhibent, ex sedula pcedum quatuor corporum, quae praeterita hyeme huic inda-
gini

gini destinaveram, sed adulatorum, bene conformatorum, sectione, nata sunt. Constitueram tum paulo diligentius in plantae pedis musculos inquirere, praesertim cum jam ab aliquot retro annis, anatomico studio semper quam maximè delectatus, haud raro operi manum admoveere solerem, pauca quaedam hac in parte tandem advertisse mihi videbar, quae aut Anatomicorum diligentiam effugerant, aut saltem nondum literis consignata fuerant; hinc rursus pedem repetens, ut viderem an constanter haec observarentur, tum in quatuor, quorum jam mentionem feci, cadaveribus, praecipue sequentia notavi.

1°. Aponeurosin plantarem in duas partes facilè separabilem inveni, laxa enim est cohaesio, nulla fibrarum utriusque adunatio; hinc Aponeurosin in majorem & minorem divisi (α). In superficie musculis obversa portiones carneas, haec quatuor (β), illa tres (γ), perpetuo obtulit.

B

2°.

(α) Icon. 1. A. 1. ad 11. et B. 1. 2. 3.

(β) Icon. 2. D. 1. 2. 3. 4.

(γ) Ibid. B. 1. 2. 3.

2°. *Flexoris digitorum brevis venter tripartitus* (α), *tres tantum producebat tendines* (β), *qui minimo digito dicatur, deerat.*

Cum vero *Aponeuroses*, a calcaneo incipiendo, *solvere soleam*, ea quae *GARANGEOT* (γ) *monet*, in memoriam revocans, tali nempe *methodo* quartum *Perforati tendinem* saepe simul cum *Aponeurosi* auferri, hanc cautissimè *separavi*, nulla tamen, nec in ipsa *expansione aponeurotica*, *tendinis* hujus *vestigia* vidi: non tamen quartum *tendinem* exulare jubeo, haud raro *desiderari*, *notasse* sufficiat.

3°. *Vaginae*, *tendines flexoris utriusque digitorum*, *brevis et longi*, *coërcentes*, in tot *partes*, quot *digitorum internodia*, *distinguebantur* (δ); *differebat tamen a reliquis*, quae *flexoris pollicis longi tendini dirigendo* servit (ϵ).

4°. *Hisce* (3°.) *apertis*, *tendinibus Perforati et Perforantis* cautè *diductis*, *Chordae*
ten-

(α) Icon. 2. E. 1. 2. 3. et Icon 3. c. 1. 2. 3.

(β) Ibid. F. 1. 2. 3. et Icon 3. H. 1. 2. 3.

(γ) Myotom. hum. et can.

(δ) Icon. 2. S. 1. 2., T. 1. 2., V. 1. 2., P. 1. 2. 3., Q., R.

(ϵ) Ibid. U. 1. 2. 3.

tendineae, tres inter singulos utriusque musculi tendines, eidem digito debitos, cum quibus inter se communicabant, reperiiebantur (α); hinc cum quartus Flexoris digitorum brevis tendo desideraretur, Flexoris longi quartus his destituebatur.

Mecum vero reputans, musculos qui manus, iis qui pedis articulos movent, haud esse absimiles, tendines manus digitos flectentes, similibus fortè Chordis communicaturos inter se cogitavi; nec quaerentem me spes penitus fefellit, reperi enim ejusmodi Chordam (β), & ligamentum tendinosum sulcatum (γ), quibus singulus sublimis tendo cum Profundi socio neclitur.

5°. Quum & quae raro cernuntur, notare non sit injucundum, hinc Musculum exiguum (δ), semel tantum mihi observatum, naturae, ut videtur, ludentis exemplum, simul apponi curavi.

B 2

Haec

(α) Icon. 3. I. 1. 2., K. 1.2., Icon. 4. I., K. 1. 2. 3.

(β) Icon. 7. Fig. 1. i., Fig. 2. et 3. h.

(γ) Ibid. Fig. 2. et 3. i.

(δ) Icon. 4. R. Icon. 5. E. et L.

*Haec sunt eorum , quae inter secundum ad-
verteram , praecipua. Non tamen regerenti
fortè , paucas hasce observationes haud qua-
quam sufficere , ut affirmetur , Carneas Aponeu-
rosium portiones , Chordasve tendineas , aut
constantì naturae lege , aut ordine numeroque
eodem , semper esse reperiundas , obloqui ani-
mus ; licet ex hisce concludi posse videatur ,
inquirentem , sectionis Anatomicae gnarum , has
saepe inventurum. Quicquid horum sit , ob-
servata candidus impertio , naturae vero in his
constantiam ulteriori inquisitioni demonstrandam
relinquo.*

*In musculorum situ describendo hominem
stantem consideravi , hinc Flexorem brevem di-
gitorum pedis , & minimi digiti Abducto-
rem , super Aponeuroses plantae positos esse dixi ,
erecto namque , & pedibus fulto corpore , ex-
pansiones aponeuroticae plantae musculis sub-
jiciuntur.*

*Monendus praeterea quisquis has perlustra-
re dignabitur pagellas , hunc me digitorum nu-
merandorum ordinem servasse , ut primus sit ,
qui*

qui Pollici proximus, alter a pollice secundus, & tandem quartus idem qui ultimus sive minimus.

Musculi Flexoris digitorum brevis & longi tendines, maximè ubi Lumbricalium origo erat indicanda, secundum ordinem, quem in digitis observaveram, quandoque designavi; hinc per primum Perforantis tendinem, illum intelligo, qui ad digitum primum pertinet, per secundum, qui ad alterum, per quartum, qui ad minimum.

Pedem totum in partem anteriorem, posteriorem, Internam, externam, superiorem, & inferiorem, divido; pars anterior est illa, quae digitis, posterior, quae talo terminatur; interna, quae alterum pedem respicit, externa, quae huic opposita; superior & inferior in homine erecto corpore stante, facile intelligitur.

Tubera calcaneo duo tribuo, WINSLOWIUM secutus, alterum majus, quod internum, minus alterum est externum. Eiusdem auctoritate fultus, digitorum & metacarpi ossa in basin & caput dispesco, antè ossis ex-

tremum caput , posterius vero basin constituit.

Characteribus , varias Iconum partes indicantibus , numeros quandoque arithmeticos adjunxi , sic enim fore sperabam , ut Icones literis minus onustae , perlustranti gratiores redderentur , & inquirenti facilior indicatae partis inveniendae via monstraretur.

Ubi ad finem paginarum citantur Icones , quae hujus sunt opusculi intelliguntur.

En totam hujus Opellae qualiscunque rationem ; hanc aequi rerum aestimatoris judicio submitto ; si placuerit , ad majora instigabor.



CAPUT I.

De Plantae Aponeurosibus.

Ablata cute, plantam vestiente, ad digitos pedis usque, & pinguedine ritè separata, in conspectum prodit Aponeurosis plantae. Dicitur ligamentum sive latefcens tendo cuti plantae subnatus; latus tendo pedis; aponeurotica sive tendinosa musculi plantaris expansio, ideo, quod gracilis hujus musculi tendo in hanc Aponeurosin latam expanditur: verum Gemelli sive Gastrocnemii & Solei tendines huic juncti, in unum robustum abeunt, quem Achillis tendinem appellant; nec plantaris musculi cauda, secundum observationem *Celeberrimi Albini*, ad plantam pervenire deprehenditur, re in ipso Foetu etiam explorata: praeterea tuberculo calcanei firmissimè adhaeret.

An ergo deducenda est ejus origo a tendine Achillis, quatenus praecipuè ex unitis Gemelli

& Solei caudis constat? An vero a calcanei tubere?

Aponeurosis plantae statim in principio dividitur in expansionem duplicem, majorem (a) & minorem (b). Aponeurosin plantae majorem voco illam, quae a tuberculo calcanei majore versus digitos pedis protensa, Flexori digitorum brevi, & carnae portioni, alterum caput flexoris eorundem longi a calcaneo ortum constituenti, immediatè incumbens, maximam plantae partem tegit: minorem vero, quae ad latus externum prioris expansionis sita, Abductorem minimi digiti operit.

Major Aponeurosis robusta, tensa, ab ortu angustior (c), mox emittit caudicem (d), pinguedine obvolutum, inque fibras plures expansum; dein in progressu latior, versus latus internum musculum pollicis pedis Abductorem pro parte velat (e), versus externum Aponeurosi minori jungitur (f).

Apparent in hac superficie, cutem respiciente, fibrae per plantae longitudinem decurrentes, sen-

(a) Icon. 1. A.

(b) Ibid. B.

(c) Ibid. A. 1.

(d) Ibid. D.

(e) Ibid. A. 2. 3.

(f) Ibid. A. 4.

senfim divergentes , quin & in quibusdam locis se decussantes.

Tandem dividitur in portiones quinque (g), quarum quatuor ad extrema bifidae , tendinibus Flexorum , pollicis (h), digitorum pedis (i), transitum concedunt , & capitibus metatarsi ossium , pollicem , tresque digitos subsequentes sustentium , inseruntur ; quod jam notavit *Cl. Albinus* , licet multi tradiderint , Aponeurosin plantae extendere se ad primum internodium.

Portio quinta (k) , primo quidem adspectu ad caput ossis metatarsi quinti pertinere videtur , sed nulli ossi affixa , finem Aponeurosis plantae minoris suprascandit , & ad latus versus superiora reflexa , in ipso adipe evanescit.

Supra portiones medias cernuntur fibrae in modum Lunae crescentis (l) , cujus cornua digitis obversa , inflexae , hinc semilunares , vel si mavis , arcuatae vocandae , in pinguedine dispa-
rentes.

Aponeurosis plantae minor (m) crassitie , tensione , cum priore ferè convenit , differt latitudi-
D dine

(g) Icon. 1. A. 5. ad 11.

(h) Icon. 2. M. 5. 6.

(i) Ibid. M. 1. 2. 3. 4. et L.

(k) Icon. 1. A. 11.

(l) Ibid. E.

(m) Ibid. B.

dine multo minore ; lateri externo tuberis calcanei majoris adnata , initium habet angustissimum (n) , sensim latefcit , fibris instructa longitudinalibus & obliquis. Portio ejus (o) , supra tuberculum ossis metatarsi quinti , tarso proximum , versus pedis dorsum reflectitur , eidemque tuberculo laxè adhaeret.

Qua parte jungitur Aponeurosi majori , fibrae hujus , interfecantes fibras illius , relinquunt , per totum conjunctionis tractum , interstitia quaedam aperta (p) , pro transitu vasorum , ferè ut in Diaphragmate , cujus fibrae in parte tendinosa dextra se decussant , aditum Venae Cavae inferiori ab Abdomine in Thoracem concedentes. Tandem rursus angustior facta (q) , parti externae capitis ossis metatarsi ultimi inferitur (r) .

Haec de Aponeurosis utriusque superficie , sublatis integumentis externis conspicua , intellecta velim , de reliquis , alteram spectantibus , jam acturus.

Ico-

(n) Icon. 1. B. 1.

(o) Ibid. H.

(p) Ibid. C. 1. 2. 3. 4.

(q) Ibid. B. 3.

(r) Icon. 4. A.

Iconis primae Argumentum.

Omni cogitatione curaque in hoc incubui , ut genuina & integra hujus expansionis facies , quantum quidem in me fuit , distinctè exhiberetur , nec eorum quicquam in hac delineatione omisi , quae separato dermate , adipe , ferè omni , sub adspèctum veniunt : cernuntur enim Aponeuroses ambae ; majoris caudex a pinguedine , in qua latebat , liberatus ; ejusdem divisiones , quarum extrema , cum a fibris arcuatis tendinosiis , tum ab elevationibus pinguedinosiis teguntur. Ligamenti lateralis interni partem aperui , ut Flexoris longi digitorum pedis & Tibialis postici tendines , per illud incedentes apparerent. Objici quidem posset , satius fuisse pollicem pedis cum reliquis quatuor digitis , ipsosque ungues , quandoquidem ad rem non pertinent , praetermittere ; at integritas tamen ipsius Iconis requirere videbatur , ut adderentur ; sic etiam clarius id , quod oculis subijcere volui , & primo quasi intuitu patet , nec intuitibus mora infertur.

*Iconis primae Characterum
Index.*

- A. 1. ad 11. *Aponeurosis plantae major.*
A. 1. *Ejus principium.*
A. 2. 3. 4. *Terminus latitudinis hujus circa mediam plantam.*
A. 5. 6. 7. 8. 9. 10. 11. *Ejusdem divisiones in suas portiones.*
B. 1. 2. 3. *Aponeurosis plantae minor.*
B. 1. *Ejus initium.*
B. 3. *Ejusdem extremitas.*
C. 1. 2. 3. 4. *Foramina pro transitu vasorum.*
D. *Caudex, quem Aponeurosis major emittit.*
E. *Fibrae tendinosae semilunares sive arcuatae.*
F. *Tendo Achillis.*
G. *Principium Abductoris minimi digiti pedis, qua parte tegit tuberculum ad latus externum calcanei spectans.*
H. *Fibrae Aponeurosis minoris tegentes tuberculum ossis metatarsi ultimi sive quinti.*
I. *Musculus Abductor pollicis, quem pro parte Aponeurosis major tegit.*
K. 1. 2. 3. *Ligamentum laterale internum.*
K. 1. 2. *Hujus ligamenti pars aperta.*
L. *Vasa per hoc ligamentum transeuntia.*

M.



M. *Communis flexoris longi digitorum tendo.*

N. *Tibialis postici tendo.*

O. *Tibialis Antici tendo.*

P. *Astragalus.*

Q. 1. 2. 3. *Limbus cutis abscissae.*

R. *Elevationes pinguedinosae tegentes extrema portio-
num Aponeurosis majoris.*

S. 1. 2. 3. 4. 5. *Pedis pollex cum quatuor digitis
subsequentibus.*

T. *Flexoris brevis pollicis pars.*

CAPUT II.

*De portionibus Aponeurosum
plantae carnis, & usu.*

Aponeurosis plantae major, a memorato calcanei tubere incipiendo, prudenter separata, inversa (a), conspiciendas praebet portiones tres carneas (b), fibris pro maxima parte longitudinalibus praeditas, ex ipsa Aponeurosi oriundas; quarum duae (c), cum tendine medio Flexoris digitorum pedis brevis cohaerent (d); tertia (e), ejusdem musculi caudae, quae ad primum a pollice digitum pertinet, affigitur (f). Hoc tamen non est perpetuum, nam, licet has portiones carneas semper invenerim, tendinibus Flexoris digitorum brevis minimè adhaerentes, ut ab Aponeurosi ortas, sic in eadem insertas, quandoque reperi. Fortè tota corporis, plantae innixi, moles, dum statur,

(a) Icon. 2. A. et Icon. 3. E.

(b) Ibid. B. 1. 2. 3. et Icon. 3. F. 1. 2. 3.

(c) Ibid. B. 1. 2.

(d) Ibid. F. 2. et Icon. 3. H. 2.

(e) Ibid. B. 3.

(f) Ibid. F. 3. et Icon. 3. H. 1.

tur , itur , comprimendo partes , huic adhaesioni ansum dedit.

Aponeurosis plantae minor , eadem methodo , ac de maiore dictum , nexibus suis soluta , revoluta (g) , prima fronte offert quatuor portiones carneas (h) , tribus praecedentis Aponeurosis prorsus similes , quarum tres (i) , quae , respectu quartae , posteriores vocari possent , tendini Abductoris minimi digiti adnecti videntur (k) , sed ei vix adhaerentes , facillimo negotio inde separantur (l) . Quarta portio (m) , quae est externa , & magis anteriora versus posita , hinc anterior dicitur , per Aponeurosin nondum separatam , utpote hîc loci , quam in reliquis partibus , tenuiorem , translucet.

Aponeuroses plantae usibus sequentibus inservire videntur. Tensae defendunt quos tegunt musculos , tendines ad partes , quibus nectuntur , tendentes , vasa , nervos , vitae , motui , debitos , ne inter standum aut eundum nimis comprimantur , hinc muneribus suis obeundis impares reddantur. Si portiones carnae tendi-

E 2

ni-

(g) Icon. 2. C. et Icon. 3. G.

(h) Ibid. D. 1. 2. 3. 4. et Icon. 3. D. 1. 2. 3. 4.

(i) Ibid. D. 2. 3. 4. et Icon. 3. D. 1. 2. 3.

(k) Ibid. H.

(l) Icon. 3. D. 1. 2. 3. 4.

(m) Icon. 2. D. 1. et Icon. 3. D. 4.

nibus musculorum, quorum mentionem feci, adhaeserint, illos in actione juvabunt; sin minus, saltem contractae portionum carnearum fibrae Aponeuroses magis tendent, cutem leniter contrahent, simulque valebunt ossa Tarsi & Metatarsi aliquatenus flectere, quamvis obscurum inter se motum habeant.

C A P U T III.

*De Flexore brevi digitorum
Pedis. (a).*

Musculus hic dicitur, Flexor internodii secundi digitorum pedis, ab officio; Flexor brevis digitorum pedis, ut distinguatur ab eorundem Flexore longo; Perforatus, quia tendines, versus extrema divisi, pertransire sinunt caudas Flexoris longi sive Perforantis; Sublimis, a situ, licet postrema haec denominatio, secundum observationem *Cl. Winslowii*, non adeo apta videatur, cum si homo stans, ambulansve consideretur, infra omnes articulorum pedis musculos ponatur.

Situm obtinet immediatè super Aponeurosin plantae majorem, inter minimi digiti (b), pollicisque (c) pedis Abductores, quorum principia pro parte tegit.

Nascitur ab infima parte calcanei, proximè
ad radicem tuberculi majoris (d), tenuis, ver-
fus

- (a) Icon 2. E. 1. 2. 3. et Icon. 3. c. 1. 2. 3.
 (b) Ibid. H. 1. 2. et Icon. 3. B. 1. 2.
 (c) Ibid. G. et Icon. 3. A. 1. 2.
 (d) Icon. 3. a. 2.

fus digitos incedens crassior & paulo latior ; dividitur mox in tres ventres (e), quorum singuli in singulum tendinem (f) abeunt.

Tendines, per bifidas Aponeurosis majoris extremitates (g) transeuntes, singuli finduntur in duas caudas, ut Flexoris longi digitorum tendinibus (h) ad articulum tertium transitum concedant: ulterius progressi, tandem tuberculis, in inferiore parte marginis utriusque secundi internodii, inferuntur.

Ratio, cur non soleat dividi in tres, quos jam memoravi, ventres, quaerenda est, ut opinor, in methodo praeparandi Aponeurosin plantae, qua portiones tres carnae Aponeurosis majoris ab ipsa separatae, huic musculo adhaerentes, ejus divisiones occultant.

Tendinum trium tantum mentionem feci, ob rationes in prooemio allegatas: indicare fortè voluit *Bidlous*, id saepius obtinere, nam postquam Anatomiae suae Tabula LXXXIII. & LXXXV. quatuor, deinde Tabula LXXXVI. tres tantum exhibet; & *Cowperus Myotomiae reformatae* Tabula LXV. n°. 185. tres tendines delineari curavit, ut plurimum tamen quatuor
inve-

(e) Icon. 2. E. 1. 2. 3. et Icon. 3. c. 1. 2. 3.

(f) Ibid. F. 1. 2. 3. et Icon. 3. H. 1. 2. 3.

(g) Ibid. L. et M. 1. 2. 3. 4.

(h) Ibid. O. 2. 3.

inveniri afferit. Vidi quartum Flexoris longi digitorum pedis tendinem, qui, ubi ad minimum digitum pervenerat, simul Perforati in duas caudas divisi, cum Perforante transeunte, figuram aemulabatur, cum tamen Flexoris brevis quartus desideraretur.

Caudae duae, in quas quilibet Perforati tendo finditur, cohaerent inter se, interventu partis tendinosae (i), quam emittunt, & quae ab una cauda oblique anteriora versus in alteram fertur: tum ulterius progredientes divergunt, angustiores fiunt; extremitates tandem, qua ossi nectuntur secundi ordinis, crassiores, ad tactum molliores, fortè quod fibrae tendinosae, in ipso tendine arctius compactae, nunc ossi inferendae magis a se invicem recedant, & laxius inter se connectantur.

Musculi hujus officium est, flectere secundum digitorum pedis internodium.

(i) Icon. 4. &.

C A P U T I V.

*De Vaginis , quibus tendines
Flexorum digitorum pedis
obducti.*

Tendines Flexorum digitorum pedis , nempe Perforati (a), Perforantis (b), & Flexoris longi pollicis (c), reconduntur Vaginis (d), sive ligamentis fortibus , membranosis , fibris in pollice obliquis , in reliquis digitis transversis magis , aut ad transversas accedentibus , instructis.

Quilibet digitus Vagina donatur , non tamen continua per integram digiti longitudinem , sed in tres partes divisa ; quarum prima (e), eaque longior , utrique margini primi internodii digitorum affixa , desinens ante caput ejusdem internodii , caudas Perforati , Perforantis , quando-

(a) Icon. 2. F. 1. 2. 3. et Icon. 3. H. 1. 2. 3.

(b) Ibid. O. 1. ad 7. et Icon. 3. M. 1. 2. 3. 4. Icon. 4. M. 1. ad 7. Icon. 5. O. 1. ad 6.

(c) Ibid. X. et Icon. 3. Q. Icon. 4. d. Icon. 5. G.

(d) Ibid. P. 1. 2. 3., Q., R., S. 1. 2., T. 1. 2., V. 1. 2., U. 1. 2. 3.

(e) Ibid. P. 1. 2. 3., S. 1. 2.

doque Lumbricalium etiam, tendines includit. Altera (f), praecedente brevior, eadem ratione marginibus secundi internodii adnexa, Flexoris longi tendinem, extremaque caudarum Flexoris brevis obducit. Tertia (g), omnium brevissima, internodio tertio accreta, tendinis Perforantis extremitatem occultat.

Ratio cur Vaginae non una continuitate a primo ad ultimum articulum sint productae, esse videtur, ne impedirent digitorum flexionem, agentibus musculis digitos flectentibus.

Vagina (h), tendinem Flexoris longi pollicis pedis obducens, eatenus cum praecedentibus convenit, quod tripartita, in reliquis tamen differt, nam figuram Trapezii aemulatur, estque omnium latissima, quod quidem requirebatur, ob latiore dicti tendinis insertionem.

Vagina haec tripartita, margini interno secundi pollicis pedis internodii adnexa est, hinc pars ejus prima (i), fibris omnium maximè obliquis donata, altero suo extremo lateri externo primi pollicis internodii accrescit; altera (k)

G

fibras

(f) Icon. 2. Q. et T. 1. 2.

(g) Ibid. R. et V. 1. 2.

(h) Ibid. U. 1. 2. 3. et Icon. 3. Z. 1. 2.

(i) Ibid. U. 3.

(k) Ibid. U. 2.

fibras exhibet minus , quam praecedens , obli-
quas ; tertia (1) transversas , quae externo fe-
cundi internodii margini affiguntur.

Vaginae dictae ita coërcent & dirigunt ten-
dines Flexorum digitorum , liberrimè in iis mo-
biles , ut actionis tempore recedere nequeant.

(1) Ibid U. 1.

Iconis secundae Argumentum.

Ostendit haec alteram utriusque Aponeurosis superficiem, cum portionibus carnis, tribus ad majorem, ad minorem quatuor pertinentibus; hujus vero quarta portio, externa, anterior, adhuc in situ, per tenuem pellucidamque eo loci expansionem translucet, ut jam supra (Cap. 2.) monuimus. Dein monstrat musculos plantae pedis, qui, inversa Aponeurosi utraque, in situ naturali apparent; conspiciuntur enim musculi, Abductor digiti minimi pedis, duobus, & Flexor digitorum brevis, tribus, instructi ventribus; caput alterum Flexoris longi digitorum; eorumque ortus & tendines. Offert praeterea extremitates portionum, in quas Aponeurosis major dividitur, quarum tres priores apertae, quarta integra, ut pateat, qua ratione tendines Flexorum digitorum pedis per harum bifurcationes ferantur; quinta utpote non bifida, hic negligitur. Monstrat etiam vaginas sive ligamenta, quaedam integra, aperta alia, eorundem musculorum caudas punctaque mobilia cooperientia; ut & varios musculos, Lumbricales, Interosseos quosdam, aliosque, sequentibus Iconibus clarius in conspectum prodituros.

Iconis secundae Characterum

Expositio.

- A. Aponeurosis major inversa.
- B. 1. 2. 3. Ejusdem Aponeurosis portiones carneae tres.
- C. Aponeurosis minor inversa.
- D. 1. Aponeurosis minoris portio carnea anterior in situ, Aponeurosi eo loci pellucida, tenui, tecta.
- D. 2. 3. 4. Ejusdem portiones tres carneae reliquae posteriores.
- E. 1. 2. 3. Flexor brevis digitorum pedis, tribus ventribus ferè ad ortum usque divisus, donatus.
- F. 1. 2. 3. Ejusdem musculi tendines tres, ad tres digitos priores pertinentes.
- G. Pars Abductoris pollicis pedis.
- H. Abductoris digiti minimi tendo.
- H. 1. 2. Ejusdem Ventres duo, ad originem usque divisi.
- I. 1. 2. Flexor brevis digiti minimi, cum duabus partibus, in quas dividitur.
- K. Flexoris brevis pollicis pars.
- L. Aponeurosis majoris extremitas sive portio quarta adhuc integra.
- M. 1. 2. 3. 4. 5. 6. Tres priores extremitates Aponeurosis ejusdem apertae.
- N. Alterum caput ad tendinem Flexoris longi digitorum accedens, sive massa carnea in planta pedis.
- O.



- O. 1. 2. 3. 4. 5. 6. 7. *Tendines quatuor Flexoris longi digitorum pedis.*
- P. 1. 2. 3. *Vaginae sive Ligamenta obducentia tendines Flexoris digitorum longi & brevis, secundum internodium primum digitorum incedentes.*
- Q. *Vagina, tendinem Perforantis & extremas caudas Perforati tegens, ad secundum internodium perti-
nens.*
- R. *Vagina Perforantis tendinem, qua tertio internodio affigitur, operiens.*
- S. 1. 2. *Vagina eadem, quam P. 1. 2. 3. indicavi-
mus, sed hic aperta.*
- T. 1. 2. *Vagina eadem, quae Q. sed incisa.*
- V. 1. 2. *Vagina eadem quae R., aperta.*
- U. 1. 2. 3. *Vagina pollicis tripartita, tendini Flexoris longi pollicis obducendo dicata.*
- W. 1. 2. 3. 4. *Musculi Lumbricales quatuor.*
- X. *Tendo Flexoris longi pollicis pedis.*
- Y. *Interosseus Internus sive Inferior minimi digiti.*
- Z. 1. 2. *Interosseus Externus sive superior tertii à polli-
ce digiti.*
- a. *Ostendit locum in tuberculo calcanei majore, unde
Aponeurosis major plantae, et*
- b. *Unde Aponeurosis minor, initia coepere.*

*De Abductore minimi digiti
pedis.*

Minimi digiti Abductor (a), nomen sortitus est ab actione, *Winslowio* dicitur Metatarsius, & Parathenar majus a situ, quia juxta cavitatem plantae pedis positus.

Externam pedis regionem occupat, immediate sub Aponeurosi plantae minore (b), qua obducitur.

Musculus hic inter bicipites numerandus est, cujus caput internum (c) oritur ab exteriori parte & anteriore radice tuberis calcanei majoris (d); externum (e) vero nascitur a parte calcanei externa inferiore, maxime ab ejus tuberculo minore (f). Ambo ventres, ab ortu latiores, sensim fiunt angustiores, donec abierint in duos tendines distinctos, qui circa mediam

(a) Icon. 3. B. Icon. 2. H. 1. 2. Icon. 4. B.

(b) Icon. 1. B. 1. 2. 3. Icon. 2. C. Icon. 3. G.

(c) Icon. 3. B. 2. Icon. 2. H. 1.

(d) Ibid. a. 2. Icon. 4. E. 2.

(e) Ibid. B. 1. Icon. 2. H. 2.

(f) Ibid. B. 1. Icon. 2. H. et Icon. 4. E. 1.

diam ossis metatarsi quinti longitudinem in unum teretem juncti, quandoque usque ad insertionem separati, externae parti & laterali capitis ossis metatarsi quinti affiguntur (g), sub insertione extremitatis (h) Aponeurosis plantae minoris.

Unius tantum tendinis, in duos tamen divisi, mentionem feci: nec tamen ignoro, praeter illum, alterum huicce tribui, tuberculo ossis metatarsi quinti affixum; cujus ratio, si licet ex observatis meis ratiocinari, deduci posse videtur ex methodo secandi Aponeurosin plantae solita, qua portiones quatuor carnae Aponeurosis minoris huic musculo junctae relinquuntur, sic ut ejusdem expansionis tendineae pars, tuberculo ossis metatarsi quinti laxè nexa, remaneat, quae fortè pro tendine jam dicto habetur.

Dixi hujus musculi tendinem capiti ossis Metatarsi quinti inferi, quoniam in quatuor, quorum in Prooemio memini, cadaveribus, sic reperi; non tamen assero eandem constanter insertionem observari, multo minus haec in medium protuli, ut magnis Anatomicis, quos veneror, obloquerer, qui, eundem internodio di-

H 2

giti

(g) Icon. 4. B.

(h) Ibid. A.

giti minimi primo affigi, testantur.

Abductor minimi digiti os metatarsi quintum a reliquis abducit: quando tendo ejus interno-
dio primo inferitur, digitum minimum abdu-
cit, simulque flectit (eundem; quae quidem actio
non observatur in provectioribus aetate, adul-
tis, senibus, post calceamentorum compressio-
nem, in aliis vero, infantibus praesertim, an-
te calceorum usum, cernitur, ut notarunt Cla-
rissimi viri, *Albinus & Winslowius*.

CAPUT VI.

De Abductore pollicis pedis.

Abductor pollicis pedis (a), ab officio dictus, & Thenar, quia caro ejus in cavitate plantae pedis prominet.

Occupat marginem internum plantae, ut praecedens externum, Aponeurosi majore pro parte tectus.

Musculus est biceps; unum caput (b) ab interna parte & inferiore calcanei, e radice tuberis majoris nascitur; alterum (c) vero a ligamento laterali interno, qua tendo Flexoris longi pollicis transmittitur. Abit hic musculus in tendines duos (d), ad finem usque distinctos, qui cum tendine e ventre interno Flexoris brevis pollicis connexi, parti laterali internae Ligamenti capsularis, os pollicis

(a) Icon. 3. A. 1. 2., Icon. 4. C., Icon. 2. G., Icon. I. 1. 2.

(b) Icon. 3. A. 2. } et Icon. 4. F.
(c) Icon. 3. A. 1. }

(d) Icon. 4. C.

cis primum cum Metatarfi primo ligantis, adnectuntur (e).

Ejus insertio variare videtur, quum Auctores eam ad ossis metatarfi primi caput, mox ad basin primi pollicis internodii, figuris suis exhibeant, aut ad os Sefamoidaeum internum, quod adjacet articulationi primi ossis pollicis cum metatarfi primo, reponant.

Pollicem a reliquis digitis abducit, eundem flextere valet, ubi primo internodio adnectitur; sed compressio calceorum diuturna hujus musculi usum in adultioribus plerumque abolevit.

(e) Icon. 5. B.

CAPUT VII.

*De Flexoris longi digitorum pedis
tendinibus (a), & capite alte-
ro (b), in planta pedis ei
accedente.*

Dicitur Flexor tertii internodii digitorum, ab actione; Flexor longus, ut distingua-
tur a Flexore brevi, & Perforans, quia ten-
dines ejus per fissuras Perforati transmittuntur.

Quandoquidem de musculis duntaxat agere
constitui, quatenus plantam pedis secantis in
conspectum veniunt, hinc de Flexoris digito-
rum longi parte, quam Iconibus hisce exhibui,
tantum sermo erit.

Tendo communis (c) Perforantis, transeuns
juxta malleolum internum, latusque internum fi-

I 2

nua-

(a) Icon. 3. M. 1. 2. 3. 4., N., O., Icon. 1. M., Icon. 2.
O. 1. ad 7., Icon. 4. M. 1. ad 7., Icon. 5. O. 1.
ad 6.

(b) Ibid. P. Icon. 2. N., Icon. 4. N., Icon. 5. M.

(c) Ibid. O. Icon. 1. M., Icon. 4. M. 7., Icon. 5.
O. 1.

nuatum ossis calcis, sub ejus eminentia five capite, cervicem Tali sustinente, tegitur Ligamento laterali interno (d), per quod, veluti per vaginam, incedit; progreditur supra Abductorem pollicis pedis (e), tendinem Flexoris longi pollicis (f) decussat, medioque per plantam itinere latior factus (g), dividitur in quatuor tendines (h), qui per secedentes Flexoris digitorum brevis caudas (i), ad os tertium pergunt, vaginis tendinosi obducti (k): tandem eorum extremitates latiores, qua parte ossi obversae duritiem tendinosam ponunt; substantiae hujus, tendinosae mollioris five pulposae, principium aliquantum reperitur insinuatum inter articulationem secundi cum tertio interno-dio, nulli ossi adhaerens; reliqua pulposae substantiae pars affigitur ossi tertii ordinis quatuor digitorum; tota res se habet ut in extremis tendinibus Profundi five Perforantis manus (l). Omnes hi tendines, quamprimum Flexoris brevis

(d) Icon. 1. K. 1. 2. 3. et Ic. 5. a.

(e) Icon. 3. A. 1. 2.

(f) Ibid. . Q.

(g) Icon. 3. N., Icon. 4. M. 6.

(h) Ibid. M. 1. 2. 3. 4., Icon. 4. M. 1. 2. 3. 4. 5.

(i) Ibid. H. 1. 2. 3.

(k) Icon. 2. P. 1. 2. 3., Q., R., S. 1. 2., T. 1. 2., V. 1. 2.

(l) Icon. 7. Fig. 2. a. c. et Fig. 3. a. c.

vis caudas pertransierunt , nota quadam divisionis (m) , ad extremitatem usque , apparent quasi facti.

Alterum caput (n) accedens tendini hujus musculi , quod etiam Carnea Massa in planta pedis vocari solet ; olim Caro Quadrata ; situm est inter tendinem modo descriptum & Abductorem minimi digiti , a quo principium tegitur , & reliquus progressus cum ab Aponeurosi majore , tum a Flexore brevi digitorum.

Oritur ab inferiori parte calcanei , juxta radicem tuberis majoris & minoris ; progreditur in anteriora fibris rectis , accedit & accrescit tendini communi Perforantis , ad externum ejus latus , antequam dividat , & ubi jam dividit se in quatuor tendines.

Tertium digitorum internodium flectentis actionem juvat & dirigit.

(m) Icon. 4. M. 2. , Icon. 6. Q. 1. 2.

(n) Icon. 3. P. , Icon. 4. N. , Icon. 5. M. , Icon. 2. N.

Iconis Tertiae Argumentum.

Separato ab origine sua Flexore digitorum pedis brevi, & in anteriora reflexo, simul cum Aponeurosis majoris parte ei adhuc adhaerente, conspiciuntur quatuor caudae, in quibus tendo communis Perforantis dividitur, cum capite altero sive accessorio, quod ei additur: apparent Chordae, mediantibus quibus tendines Perforati cum iisdem Perforantis communicant: cernitur etiam Abductoris pollicis ut & minimi digiti ortus. Vagina Pollicis hîc aperta est, & abscissa, ut tendinis Flexoris ejus longi decursus ad insertionem usque pateat: nota divisionis in hoc manifesta, in Perforantis caudis, negligentius expressa, clarius Iconem Quartam perlustrantis oculos ferit. Aponeurosis minor in externum latus reclinata, insertionis loco, scilicet lateri externo capitis ossis metatarsi quinti, adhuc est affixa. Reliqua ex characterum enucleatione melius patebunt.



Literarum Iconis tertiae

Explicatio.

- A. *Abductor pollicis pedis tendo.*
 A. 1. 2. *Abductor pollicis duobus capitibus instructus.*
 B. 1. 2. *Abductor digiti minimi pedis, ut praecedens, biceps.*
 C. 1. *Cutis superficies interna, et C. 2. externa.*
 D. 1. 2. 3. *Aponeurosis plantae minoris portiones tres carnae posteriores.*
 D. 4. *Aponeurosis ejusdem portio carnea anterior.*
 E. *Aponeurosis plantae majoris pars, adhuc Flexori brevi digitorum adhaerens.*
 F. 1. 2. 3. *Portiones ejus tres carnae.*
 G. *Aponeurosis plantae minor, inversa, insertionis tamen loco adhuc affixa.*
 H. 1. 2. 3. *Tendines tres Flexoris brevis digitorum, extra situm positi.*
 I. 1. 2. *Chordae tendinum Perforantis et Perforati priores; Chorda vero I. 1. a tendine Perforantis est separata.*
 K. 1. 2. *Reliquae Chordae e tendinibus modo dictis emissae, et quidem K. 1. Chorda altera, K. 2. Chorda tertia.*
 L. *Venter internus Flexoris brevis pollicis.*

K 2

M.

- M. 1. 2. 3. 4. *Tendines quatuor , in quos dividitur tendo communis Flexoris longi digitorum.*
- N. *Locus ubi tendo communis modo dicti musculi circa mediam plantam latefcit , in quatuor caudas abiturus.*
- O. *Tendo communis ejusdem musculi.*
- P. *Alterum ejus caput accessorium.*
- Q. *Flexoris longi pollicis pedis tendo.*
- R. 1. 2. 3. *Lumbricales tres , qui in hoc subjeâto tantum reperiiebantur , nam ille , qui oritur a tendine Perforantis secundo et tertio , desiderabatur.*
- S. *Venter unus Adductoris pollicis pedis.*
- T. 1. 2. *Flexor brevis digiti minimi , in duas partes divisus.*
- U. 1. 2. *Interosseus externus sive superior tertii a pollice digiti.*
- V. *Interosseus internus sive inferior minimi digiti.*
- W. *Interosseus internus sive inferior digiti tertii.*
- X. *Musculus Transversus pedis Casserii.*
- Y. *Vagina Periosteo et Aponeurosi plantae majori continua.*
- Z. *Vagina , tendinem Flexoris longi pollicis transmittens , aperta et ad latera abscissa.*
- &. *Ligamentum tendinosum , quo ambae tendinum Flexoris brevis digitorum caudae inter se copulantur.*

- a. 1. *Tuberculum calcanei minus*, unde alterum *Abductoris minimi digiti caput oritur*.
- a. 2. *Tuberculum calcanei majus*.
- b. *Pinguedo*.
- c. 1. 2. 3. *Tres Flexoris brevis digitorum pedis ventres*.
- d. *Os Sesamoideum internum*, articulationi primi ossis pollicis cum metatarsi primo appositum.

C A P U T VIII.

*De Tendineis emissionibus Flexoris
longi pollicis & digitorum, ut &
Chordis cum quibus tendines
Perforati & Perforantis
inter se communicant.*

Flexoris longi pollicis pedis tendo transit per vaginam, ipsi a ligamento laterali interno concessam (a), supra principium Abductoris pollicis (b); dein progreditur recta per plantam, eundo supra tendinem communem Flexoris longi digitorum decussatim; postea vadit inter Adductorem pollicis (c), & ventrem internum Flexoris brevis pollicis (d), sub hujus ventribus externis (e), quibus transeundo vestigium imprimit; incedit demum inter ossa Sesamoidea, quae articulationi internodii pol-

- (a) Icon. 5. b.
(b) Icon. 4. F.
(c) Icon. 4. Y.
(d) Icon. 4. X. I. 2.
(e) Icon. 4. U. W.

pollicis primi cum osse metatarsi , id sustinente ,
 apponuntur , donec tandem per vaginam (f) ,
 quam supra (Cap. 4.) descripsimus , ad interno-
 dium secundum sive ultimum pervenerit , cui
 inferitur (g) . Ubi tendo jam dictus pervenit
 ad ossa Sesamoidea (h) , insigni divisionis nota
 donatur , ad extremum usque ; fit sensim latior
 & tenuior , in fine latissimus . Tendo descrip-
 tus , quam primum attigit plantam , emittit por-
 tionem tendineam insignem (i) , quae fertur in
 anteriora , & accrescit tendini communi Flexo-
 ris longi digitorum , paulo ante quam dividatur
 in quatuor caudas . Quandoque portio haec in-
 feritur non tantum tendini Perforantis , ubi fin-
 di incipit in caudas , sed etiam caudae simul
 illi , quae primo digito dicatur , sic ut anceps
 sit , an cauda prima , unde lumbricalium primus
 originem ducit , a tendine communi Perforantis ,
 an potius a fascia illa sive portione tendinea
 oriatur , ut hac hyeme in pede infantis vidi .
 Aliquando alterum dat ramum gracilem (k) ,
 paulo supra ortum prioris , qui coit cum ten-
 dine

L 2

(f) Icon. 2. U. 1. 2. 3. , Icon. 3. Z. 1. 2. , et Icon. 4.

a. 1.

(g) Icon. 4. d.

(h) Icon. 3. d.

(i) Icon. 4. O. , Icon. 5. H.

(k) Icon. 4. P. , Icon. 5. I.

dine communi Perforantis , circa angulum , quem modo dictus tendo cum altero ejus capite accessorio (1) efficit.

Quandoque ex eodem tendine Flexoris pollicis longi emergit ramus , supra ortum illius insignis , satis robustus , longus , qui caudae primae Flexoris longi digitorum inseritur , ubi mox Flexoris brevis tendinem perforatura. Praeter has , aliae diversitates obtinere possunt. Vide *Cl. Albini Histor. Muscul. Lib. 3. Cap. 210.*

Tendo Perforantis , antequam alterum caput ei accedat , dimittit portionem gracilem (m) , quae in anteriora producta , tendini Flexoris longi pollicis additur.

Non possum hîc praetermittere musculum quendam exiguum , non quod asserere velim , illum semper aut utplurimum adesse , sed quia in hoc pede , quem Pictori delineandum praebui , dissecanti mihi occurrit. Ab inferiore parte ossis calcanei , juxta internum ejus latus , ad radicem tuberis majoris , ortum habebat musculus exiguus (n) , teres , qui in progressu angustior , abibat in caudam , emissioni tendineae insigni (o) , e Flexoris longi pollicis tendine enatae , insertam.

Ten-

(1) Icon. 4. N., Icon. 5. M.

(m) Icon. 4. Q., Icon. 5. K.

(n) Icon. 4. R., Icon. 5. E. L.

(o) Icon. 4. O., Icon. 5. H.

Tendines singuli Flexorum digitorum connec-
 tuntur inter se tribus Chordis describendis. Sin-
 gulus Perforati tendo, paulo ante, quam di-
 vidatur in duas caudas, emittit Chordam te-
 nuem (p), quae antrorsum progressa, tendini
 Perforantis inferitur. Altera Chorda (q), e ten-
 dine Perforantis enata, ubi jam Flexorem bre-
 vem perforavit; antea porrecta, affigitur cau-
 dae internae tendinis Perforati, sub angulo,
 quem cauda haec cum Ligamento tendinoso
 (r) efficit. Tertia & extrema (s), tendini
 Flexoris longi accreta, tendit ad caudam ex-
 ternam tendinis Flexoris brevis, eique adnecti-
 tur. Haec est fortè ratio, cur internodium di-
 gitorum tertium vix flectere valeamus, quin se-
 cundum simul flectatur.

(p) Icon. 3. I. 1. 2., Icon. 4. I.

(q) Icon. 3. K. 1., Icon. 4. K. 3.

(r) Icon. 3. &., Icon. 4. &.

(s) Icon. 3. K. 2., Icon. 4. K. 2.

C A P U T IX.

De Lumbricalibus pedis.

Lumbricales (a), a figura, quasi lumbricos aliquomodo referant, ab actione verò Flexores primi internodii *Spigelio* dicti. Inter tendines Flexoris longi digitorum, super Aponeurosin plantae majorem siti.

Musculi solent esse quatuor numero, quandoque tres tantum (b), & tunc Lumbricalis secundus vel tertius solet desiderari. Originem ducunt a tendinibus quatuor Flexoris longi digitorum: *Cowperus* massam carneam in planta pedis, sive alterum caput ad Flexorem longum digitorum accedens, pro vera eorum origine habet, hinc etiam illud cum Lumbricalibus continuum exhibet *Myotom. reform. Tab. LXVI. N°. 5. 6.*, ut antea *Casseri* *Tab. Anatom. Lib. IV. Tab. XLIII. Fig. 1. M. O.*, interdum enim Lumbricalium quidam, maximè quartus, fibras a capite altero accessorio accipiunt.

Lumbricalium primus (c) oritur cum a tendine

(a) Icon. 4. Z. 1. 2. 3. 4., Icon. 5. P. 1. 2. 3. 4.,
Icon. 2. W. 1. 2. 3. 4.

(b) Icon. 3. R. 1. 2. 3.

(c) Icon. 4. Z. 1., Icon. 5. P. 4.

dine illo insigni (d), qui a Flexore pollicis longo ad illum Flexoris longi digitorum porrigitur, tum a parte interna tendinis primi Perforantis; secundus (e), ab angulo, quem primus & secundus Perforantis tendo efficit; tertius (f), ab angulo secundi & tertii, non nunquam a tendine tertio tantum (g); quartus (h), ab angulo tertii & quarti, praesertim a quarto.

Singuli in singulum abeunt tendinem gracilem, qui lateri interno primi digitorum internodii affigitur.

Primam digitorum Phalanga flectunt.

(d) Icon. 5. H.

(e) Icon. 4. Z. 2., Icon. 5. P. 3.

(f) Icon. 4. Z. 3.

(g) Icon. 5. P. 2.

(h) Icon. 4. Z. 4. et Icon. 5. P. 1.

CAPUT X.

*De Flexore brevi minimi
digiti.*

Flexor brevis digiti minimi pedis (a), *Dou-
glassio* Flexor primi internodii minimi di-
giti dictus, ab ea, quam exerit, actione,
Winslowio Parathenar minus, a loco, quem oc-
cupat. Situm obtinet super Aponeurosin plantae
minorem, inter tendinem Abductoris minimi
digiti (b), & Interosseum (c), qui ad eun-
dem digitum pertinet.

Ortum habet a parte inferiore basis ossis me-
tatarsi quinti, ejus tamen origo non semper est
eadem, vid. *Albin. Hist. Muscul. Lib. 3. cap. 226.*
Dividitur dein in duos ventres, quorum il-
le (d), qui Interosseo dicto proximus, altero
minor,

(a) Icon. 4. D. 1. 2., Icon. 2. I. 1. 2., Icon. 3. T. 1. 2.,
Icon. 5. A.

(b) Icon. 3. B. 1. 2.

(c) Icon. 3. T.

(d) Icon. 4. D. 2., Icon. 2. I. 1., Icon. 3. T. 2.


minor, adnectitur tendine suo ligamento capsulari, internodium digiti minimi primum cum osse metatarsi ultimo colliganti, & infimae parti basis internodii dicti inferitur. Alter (e), praecedente major, affigitur lateri externo ossis metatarsi digitum minimum sustentis, sub ejus capite.

Fibris hujus musculi brevioribus factis, flectitur primum digiti minimi internodium.

(e) Icon. 4. D. 1., Icon. 2. I. 2., Icon. 3. T. 1.

Iconis Quartae Argumentum

In hac delineatione, praeter insertiones, Aponeurosis Plantae minoris, Abductoris minimi digiti, & pollicis duplici tendine praediti, ostenduntur portiones tendineae, quas Flexoris longi pollicis & Perforantis tendines emittunt, interventu quarum inter se communicant; Chordae tendinum Perforantis & Perforati; musculus exiguus, cujus (cap. 8.) mentionem fecimus; alterum caput ad tendinem Perforantis accedens; Lumbricales; & alia, quae in sequentibus Iconibus clarius spectanda exhibebuntur.



Iconis Quartae Characterum enodatio.

- A. Aponeurosis minoris plantae particula, insertionis locum ostendens.
- B. Abductor minimi digiti, ejusque insertio.
- C. Abductor pollicis cum duplici tendine.

D.



- D. 1. 2. *Flexor brevis digiti minimi in duos ventres divisus.*
- E. 1. 2. *Principium Abductoris digiti minimi, tuberculi calcanei utroque affixum; musculus ipse separatus conspicitur in B.*
- F. *Abductoris pollicis principium.*
- G. 1. 2. *Peronei longi tendo.*
- H. 1. 2. 3. *Extremitates tendinum Flexoris brevis digitorum, abscissae.*
- I. *Chorda prior, qua parte tendini Perforantis adhaerebat, abscissa.*
- K. 1. 2. 3. *Chordae reliquae, et quidem K. 1. 3. Chorda altera, K. 2. Chorda tertia.*
- &. *Ligamentum tendinosum, caudas tendinum Perforanti connectens.*
- L. *Extremitas tendinis Tibialis postici, ossi cuneiformi primo affixa.*
- M. 1. 2. 3. 4. 5. *Quatuor caudae tendinis Flexoris longi digitorum, quarum prima (4. 5.) transversim secta.*
- M. 6. *Tendo Flexoris longi digitorum, Latior ubi fin-di incipit in quatuor caudas.*
- M. 7. *Tendo communis Flexoris longi digitorum, extra situm, ut eo melius in conspectum veniant portiones tendineae, mediantibus quibus cum Flexore longo pollicis communicat.*
- N. *Alterum caput ad tendinem Perforantis accedens.*

- O. Portio tendinea insignis, e Flexoris longi pollicis tendine, in illum Perforantis extensa.
- P. Portio tendinea antecedente multo tenuior, quae iisdem tendinibus debetur.
- Q. Tendinea portio, e tendine Perforantis enata, in cum Flexoris longi pollicis inserta.
- R. Musculus exiguus, cujus cauda Emissioni tendineae insigni (O.) inseritur.
- S. Transversi pedis pars, inter caudas Perforantis apparens.
- T. Interosseus internus sive inferior minimi digiti.
- V. Interosseus externus sive superior tertii a pollice digiti.
- U et W. Duo Ventres externi Flexoris brevis pollicis.
- X. 1. 2. Venter ejusdem Musculi internus.
- Y. Adductoris pollicis pars.
- Z. 1. 2. 3. 4. Musculi quatuor Lumbricales.
- a. 1. 2. Vagina pro tendine Flexoris longi pollicis, aperta.
- b. 1. 2. Vagina, quam efficit Ligamentum laterale internum, pro tendine Flexoris longi digitorum transmittendo, aperta.
- c. Apophysis in basi ossis metatarsi quinti.
- d. Tendo Flexoris longi pollicis, ubi latior internodio secundo affigitur; extra situm, ad latus internum Acicula firmatus est, ut eo melius vagina, per quam transit, et vestigium, quod imprimit Flexori brevi pollicis, appareant.

C A P U T X I.

De Adductore Pollicis (a).

Adductor pollicis pedis dictus ab eo, quo fungitur, munere; quibusdam Adductor pollicis major; ut distinguatur a Transverso pedis *Casserii*, quem Adductorem pollicis minorem vocant.

Juxta Flexorem pollicis brevem situs, supra Lumbricales, inter quos & Interosleos oblique ad insertionem tendit.

Oritur a Ligamento (b) calcanei insigni, antequam vaginam pro tendine Peronei longi constituat (c), ut & ab ipsa vagina (d), (nisi fortè quis malit vaginam ipsam pro parte ab ortu hujus musculi tendinoso deducere,) principio tendineo tenui, in progressu latior, dein iterum angustior. Ubi carnosus fit, dividitur sta-

O

tim

(a) Icon. 5. T. 1. 2. 3. 4., Icon. 6. O. 1. 2. 3.

(b) Icon. 5. &., Icon. 6. Z.

(c) Icon. 5. T. 4. Icon. 6. S. 1. 2.

(d) Icon. 6. R. 1. 2.

tim in tres ventres distinctos (e), in unum tendinem communem abeuntes, qui inseritur ossi Sesamoideo externo, & ligamento ossiculum illud cum internodio primo pollicis connectenti, hujusque internodii parti inferiori laterali digitum primum spectanti.

Quando agit, pollicem ad digitos reliquos adducit, valet etiam eundem flectere.

(e) Icon. 5. T. 1. 2. 3., Icon. 6. O. 1. 2. 3.

C A P U T XII.

De Flexore brevi pollicis.

Flexor brevis pollicis pedis (a), immediatè sub osse Metatarsi primo situs, duplici gaudet origine tendinosa; una (b) a ligamento Calcanei insigni, juxta ortum Adductoris pollicis; altera (c) a tendine Tibialis postici: ambae concurrunt. Tum dividitur hic musculus primo in duas partes, quarum interna (d), quam *Cl. Winslowius*, simul addendo Abductorem pollicis, Thenar vocat, inseritur tendine suo, cùm ossi Sefamoïdeo interno, quod apponitur articulationi pollicis cum metatarso, tùm parti laterali internae basis primi ejus internodii. Dein altera pars, eaque externa, quae eidem Auctori, si Adductorem pollicis simul addas, Antithenar dicitur, rursus duas distinctas exhibet partes (e), in unum abeuntes tendinem, ossi Sefamoïdeo externo, & basi primi internodii pollicis affixum. Caeterum tendines ambo Ligamento capsulari ossis hujus cum Metatarsi primo firmiter adnectuntur, &, quando hic musculus agit, retrahunt ossa Sefamoïdea, pollicemque flectunt.

O 2

CA-

(a) Icon. 5. S. 1. ad 6., Icon. 6. I. 1. 2. 3.

(b) Icon. 5. S. 4., Icon. 6. M. 1. 2.

(c) Icon. 5. S. 6., Icon. 6. N. 1. 2.

(d) Icon. 5. S. 3., Icon. 6. I. 1.

(e) Icon. 5. S. 1. 2., Icon. 6. I. 2. 3.

De Transverso pedis.

Transversus pedis (a), sic dictus, quia solus est inter omnes plantae pedis musculos, qui per transversum incedat: vocatur etiam Transversalis Casserii, a primo inventore *Julio Casserio Placentino*.

Inter Tendines Flexorum digitorum pedis (b), & musculos Interosseos, statim sub capitibus ossium Metatarfi, medius; oritur principio tendineo tenui, satis lato, a Ligamento capsulari, caput ossis Metatarfi quarti cum primo tertii digiti internodio colligante; hinc latior, dein angustior, abit in tendinem gracilem, qui capsulari Ligamento articuli primi internodii digiti primi cum capite Metatarfi ossis secundi affigitur.

Diversitates, quae occurrunt, vid. in *Cl. Albin. Histor. Muscul. Lib. 3. cap. 225.*

Non me latet, meam Transversi delineationem cum ea Anatomicorum non convenire: verum ut inveni, sic delineari curavi, sic descripsi, interim non negans, originem & insertionem hujus musculi in diversis esse diversam. Adducit hic musculus digitos ad se invicem.

Ico-

(a) Icon. 5. R., Icon. 6. T.

(b) Icon. 4. S.

Iconis Quintae Argumentum.

Tendinibus Perforantis & Flexoris longi pollicis, simul cum Lumbricalibus, & capite altero ad Perforantis tendinem accedente, sedibus suis remotis, in anteriora reclinatis, apparent, quos partim tegebant, muscoli, Adductor pollicis, ejusque Flexor brevis, quorum singuli triplici ventre donantur; Ligamentum calcanei latum, insigne, his originem praebens; vaginae Ligamenti lateralis interni, tendinibus Flexoris longi pollicis, digitorum, transitum concedentes, apertae; Transversus pedis, hîc satis brevis, & Interossei muscoli, quibus subsequens delineatio clarius exhibendis inser-viet.

*Literarum Iconis Quintae**Illustratio.*

- A. *Flexor brevis digiti minimi , ab origine sua separatus.*
- B. *Extremitas tendinis Abductoris pollicis pedis , insertionis loco adhuc adnexa.*
- C. *Tendo Peronei brevis , Apophysi , quae est in basi ossis Metatarsi quinti , insertus.*
- D. *Tendo Peronei Longi.*
- E. *Musculi exigui principium , originis loco affixum.*
- F. *Musculi Tibialis postici extremus tendo.*
- G. *Flexoris longi pollicis tendo.*
- H. *Ramus , hîc insignis , quem tendo Flexoris longi pollicis emittit , cum illo Perforantis conjunctus.*
- I. *Ramus gracilis , tendinibus jamjam memoratis adnexus.*
- K. *Ramus e tendine Flexoris longi digitorum in eum pollicis propagatus.*
- L. *Musculus exiguus , a principio suo (E) transversim sectus.*
- M. *Alterum caput ad tendinem Flexoris longi digitorum accedens.*
- N. *Ejusdem principium , tuberculo calcanei minori affixum.*
- O. 1. *Tendo communis Perforantis , resectus.*

O.



- O. 2. 3. 4. 5. 6. *Ejusdem caudae quatuor, in quas dividitur, quarum prima (2. 3.) per transversum secta.*
- P. 1. 2. 3. 4. *Musculi Lumbricales quatuor.*
- Q. 1. 2. *Extremae caudae tendinum Flexoris brevis digitorum.*
- R. *Musculus Transversus pedis.*
- S. 1. ad 6. *Flexor brevis pollicis.*
- S. 1. 2. 3. *Ejus tres ventres.*
- S. 4. 6. *Ejusdem origo duplex.*
- S. 5. *Continuatio membranae facientis vaginas pro transitu Flexorum longorum.*
- T. 1. ad 4. *Adductor pollicis pedis.*
- T. 1. 2. 3. *Tres Adductoris pollicis ventres.*
- T. 4. *Ejusdem origo a Ligamento calcanei.*
- &. *Ipsam Calcanei Ligamentum insigne.*
- V. *Interosseus internus sive inferior minimi digiti.*
- U. *Interosseus externus sive superior tertii a pollice digiti.*
- W. *Interosseus internus sive inferior tertii digiti.*
- X. *Interosseus externus sive superior secundi digiti.*
- Y. *Interosseus internus sive inferior secundi digiti.*
- Z. *Interosseus externus sive superior secundus digiti primi.*
- a. *Vagina, quam Ligamentum laterale internum tendini Flexoris longi digitorum largitur, aperta.*
- b. *Vagina ab eodem Ligamento, quae tendinem Flexoris longi pollicis transmittit, pariter aperta.*

C A P U T XIV.

De Interosseis pedis.

Interosseï, a situ, quem obtinent inter ossa Metatarfi, nomen sortiti; dividi solent in externos & internos. Externi sunt, qui inter ossa metatarfi positi, in pedis dorso apparent, hinc Interosseos superiores pedis maluit appellare *Clariss. Winslowius*. Interni magis ossibus Metatarfi supponuntur, unde modo laudato *Winslowio* Interosseï inferiores pedis audiunt. Sunt septem numero, quatuor externi sive superiores (a), interni sive inferiores tres (b), præcedentibus graciliores. *Spigelius* decem Interosseorum meminit, quoniam inter hos refert Flexorem brevem pollicis pedis, minimi digiti, & fortè Adductorem pollicis. *Bid- lous* etiam decem numerat, licet alia ratione: Quidam octo.

Interosseus externus sive superior primus, primi post pollicem digiti (c), oritur a latere interno ossis Metatarfi secundi, annectitur tendini Peronei longi, per portionem tendineam tenuem (d),
quam

(a) Icon: 6. B. D. F. G. H.

(b) Ibid. A. C. E.

(c) Ibid. H.

(d) Ibid. W.

quam ab eo accipit, & inseritur parti internae basis primi internodii digiti primi. Interosseus externus sive superior secundus primi digiti (e), in duas partes, non procul ab insertione rursus conjunctas, divisus, oritur uno capite a latere interno ossis Metatarsi tertii, altero ab externo secundi. Interossei externi reliqui, nempe qui secundo (f), & qui tertio digito (g), dicantur, ortum habent eadem ratione ab ossibus Metatarsi, quibus interponuntur, postremus etiam a vagina Peronei longi; non tamen ut praecedens divisus. Horum trium singulus abit in tendinem gracilem, qui lateri externo internodii primi sui quisque digiti affigitur.

Interossei interni sive inferiores (h) initium ducunt a parte inferiore, ut & a latere interno ossis Metatarsi, digitum, cui quilibet inservit, sustinentis; qui est tertii (i) digiti, & qui minimi (k), etiam a vagina Peronei longi. Singulorum tendo lateri interno basis primi internodii sui digiti inseritur. Digitos flectunt; interni etiam, ut & externus primus digiti primi, adducunt versus pollicem; externi reliqui abducunt.

Q

Ico-

(e) Icon. 6. F. G.

(f) Ibid. D.

(g) Ibid. B.


(h) Ibid. A. C. E.

(i) Ibid. C.

(k) Ibid. A.

Iconis Sextae Argumentum

Adductore pollicis, ejusque Flexore, ab origine solutis, & in anteriora reflexis, apparent reliqui, quos in praecedenti delineatione tegebant, Interossei; conspicitur etiam tendinis Peronei longi per plantam decursus, insertio ad basin ossis primi Metatarfi, & caudae Tibialis postici per plantam continuatio.



Iconis Sextae Characterum illustratio.

- A. *Interosseus internus sive inferior minimi digiti.*
- B. *Interosseus externus sive superior tertii a pollice digiti.*
- C. *Interosseus internus sive inferior tertii digiti.*
- D. *Interosseus externus sive superior secundi digiti.*
- E. *Interosseus internus sive inferior secundi digiti.*
- F. *Interossei externi sive superioris secundi, digiti primi, caput unum.*
- G. *Interossei externi sive superioris secundi, primi digiti, caput alterum.*
- H. *Interosseus externus sive superior primus digiti primi.*
- I. 1. 2. 3. *Flexor brevis pollicis pedis, cum tribus ventribus, ab ea parte conspectis, qua os Metatarsi primum tegunt.*
- K. 1. 2. *Chordae, quarum interventu tendines Perforantis et Perforati inter se communicabant: K. 1. Chorda tertia, et K. 2. Chorda altera.*
- L. *Ligamentum tendinosum, quo mediante caudae tendinum Flexoris brevis digitorum connectuntur.*
- M. 1. *Principium Flexoris brevis pollicis abscissum.*

- M. 2. *Locus, ubi modo dicti muscoli principium a Ligamento Calcanei insigni, unde oriebatur, abscissum.*
- N. 1. *Alterum Flexoris brevis pollicis principium.*
- N. 2. *Ejusdem origo a tendine Tibialis postici.*
- O. 1. 2. 3. *Adductor pollicis, cum tribus ventribus, ab altera superficie, Interosseis obversa, conspectis.*
- P. 1. 2. *Extremities caudarum Flexoris brevis digitorum, insertionis loco affixae.*
- Q. 1. 2. *Extremities tendinum Flexoris longi digitorum, internodio tertio insertae.*
- R. 1. *Pars illa tendinosa muscoli Adductoris pollicis, quae ante separationem continua erat cum vagina Peronei longi in R. 2.*
- S. 1. *Principium tendinosum ejusdem Adductoris, a Ligamento Calcanei, unde oritur, abscissum in S. 2.*
- T. *Transversus pedis, cujus tendo a Ligamento capsulari, caput ossis Metatarsi secundi cum basi internodii primi digiti a pollice primi ambiente, separatus.*
- U. 3. *Peronei longi tendo.*
- U. 2. *Pars tendinis Peronei longi latior.*
- U. 1. *Progressus hujus tendinis rursus angustior per vaginam, qua obducitur, hîc apertam, et insertio in partem internam basis ossis Metatarsi primi.*
- V. *Peronei brevis tendo, ejusque insertio in Apophysin, e basi ossis Metatarsi quinti enatam.*
- W. *Portio tendinea, quam Interosseus externus primus digiti a pollice primi accipit a tendine Peronei longi.*

- X. 1. 2. *Continuatio tendinis Tibialis postici per plantam procedentis.*
- Y. *Tendo Tibialis postici, ossi Naviculari et Cuneiformi primo affixus.*
- Z. *Ligamentum insigne, a radice tuberis majoris Calcanei ortum.*
- &. *Vagina Tendini Flexoris longi digitorum communi transitum praebens, aperta.*
- a. *Apophysis, e basi ossis Metatarsi quinti enata.*
- b. *Astragalus.*
- c. *Os Sesamoideum externum, articulo ossis Metatarsi primi cum internodio pollicis primo, adjacens.*
- d. *Os Metatarsi primum.*
- e. *Pinguedo, Musculorum Interosseorum aliquot principia tegens.*
- f. *Productio tendinea, a tendine Tibialis postici.*

Iconis Septimae Argumentum.

Non tantum in pedibus reperiuntur Chordae, inter tendines Perforantis & Perforati, utrique annexae; in manibus etiam, inter Sublimis & Profundi tendines iis similem inveni, quam hac delineatione exhibere conatus sum, & fortè in posterum quandoque plures reperientur. Binae reliquae Chordae, quas haec Icon ostendit, non sunt ambobus tendinibus communes, has jam aeri incidi curavit *Bidlous Anat. hum. corp. Tab. LXVII. & LXVIII.*; oriuntur a productione tendineâ, enatâ e tendine Sublimis, post ejus in duas caudas divisionem, & sine pulposo quasi, inter articulum primum & secundum digitorum manus terminatâ. Apparent praeterea, Fig. 2. & 3., extremitates tendinum Sublimis & Profundi, ab ossibus, quibus inferebantur, solutae, crassiores & latiores, quam ipsae caudae paulo ante insertionem, a parte, qua internodiis affiguntur, molliores, quasi pulposae: non tamen tota pulposa tendinum Profundi substantia internodio tertio inseritur, sed ejus pars prior inter articulum secundum & tertium libera haeret, extrema verò ossi accrescit. Ostenditur etiam Ligamentum quoddam tendinosum, sulcatum, quo dicti tendines connectuntur; in his Perforati & Perforantis pedis etiam simile quid observavi. Figura 1. eosdem tendines offert, cum suis Chordis, & ossibus, quibus illi affiguntur.

Cha-

Icon: 7

Fig: 3.

Fig: 2

Fig: 1.

Geo: Kennedy Delin: atq: Sculp

Characterum Explicatio.

FIGURA PRIM A.

- a. Internodium digiti manus primum.
- b. Internodium secundum.
- c. Internodium tertium.
- d. Aperta vagina, per quam tendines Sublimis et Profundi transeunt.
- e. Tendinis Profundi in tertium internodium insertio.
- f. Tendo Profundi abscissus.
- g. Insertio caudarum Sublimis in secundum internodium.
- h. Tendo Sublimis abscissus.
- i. Chorda tendini Sublimis et Profundi communis.
- k. et l. Chordae tendini Sublimis propriae.

FIGURA SECUNDA.

- a. Pars extremitatis tendinis Profundi, pulposa quasi; qua internodio tertio affigitur.
- b. Tendo Profundi abscissus.
- c. Pars altera extremitatis ejusdem tendinis, pariter pulposa, quae inter basin primi et caput secundi internodii libera haeret.
- d. Extremitates caudarum Sublimis, qua ossi adhaerent quasi pulposae.
- e. Tendo Sublimis abscissus.
- f. Ligamentum ambas tendinis Sublimis caudas connectens.
- g. Angulus divisionis tendinis Perforati in duas caudas.
- h. Chorda tendini utrique, Sublimis et Profundi, annexa.
- i. Ligamentum tendinosum fulcatum, caudas Perforati cum tendine Perforantis connectens.

F I G U R A T E R T I A.

- a.* Pars extrema tendinis Profundi, pulpofa quasi, qua internodio tertio adhaeret.
- b.* Tendo Profundi abscissus.
- c.* Extremitatis ejusdem tendinis pars illa mollis, quae inter basin tertii et caput secundi digitorum ossis reperitur, iisdem tamen non affigitur.
- d.* Extremitates caudarum Sublimis, crassiores et pulpofae quasi ea parte, qua internodio secundo adhaerent.
- e.* Tendo Perforati abscissus.
- f.* Productio tendinosa, e tendine Perforati enata post divisionem, cujus extremitas pulpofa quasi inter articulum digitorum primum et secundum libera haeret.
- g.* Angulus divisionis Sublimis in duas caudas.
- h.* Chorda utrique tendini communis.
- i.* Ligamentum tendinosum fulcatum, cujus interventu tendo Profundi et caudae tendinis Sublimis connectuntur.
- k.* et *l.* Chordae tendini Sublimis propriae.
- m.* Insignis divisionis nota in tendine Sublimis, ante divisionem.
- n.* Similis divisionis nota in eo Profundi.

F I N I S.



INDEX CAPITUM.

CAP. I.	De Plantæ Aponeurosibus.	Pag. 11
— II.	De Portionibus Aponeurosium plantæ carneis & usu.	- - - 18
— III.	De Flexore brevi digitorum Pedis.	- - - 21
— IV.	De Vaginis, quibus tendines Flexorum digito- rum pedis obducti.	- - - 24
— V.	De Abductore minimi digiti pedis.	- - - 30
— VI.	De Abductore pollicis pedis.	- - - 33
— VII.	De Flexoris longi digitorum pedis tendinibus, & capite altero, in planta pedis ei accedente.	- - - 35
— VIII.	De Tendineis emissionibus Flexoris longi polli- cis & digitorum, ut & Chordis cum quibus tendines Perforati & Perforantis, inter se com- municant.	- - - 42
— IX.	De Lumbricalibus pedis.	- - - 46
— X.	De Flexore brevi minimi digiti.	- - - 8
— XI.	De Adductore Pollicis.	- - - 53
— XII.	De Flexore brevi pollicis.	- - - 55
— XIII.	De Transverso pedis.	- - - 56
— XIV.	De Interosseis pedis.	- - - 60

~~~~~

EX TYPOGRAPHIA,  
JOHANNIS WILHELMI DE GROOT.

---



# INDEX CAPITULI

## BIBLIOPEGO

Icon. 1 ponenda inter pag. 16 et 17

- - 2 - - - - - 28 - 29

- - 3 - - - - - 38 - 39

- - 4 - - - - - 50 - 51

- - 5 - - - - - 58 - 59

- - 6 - - - - - 62 - 63

- - 7 - - - - - 66 - 67











